

Der Dritt tayl.

ein klein weiß brosen brots daran/ vnd würtz es ab/ das reyß gar wol durch einander/ wiltu es dick oder dünn/ das acht/ mach ein teyg mit gesoten hönig wein/ auch nit zudick vñ dünn/ zertreyß den mit einem welger holz/ mach kuchen oder krapffen darauß/ vñ sach es wol/ vñ in der fasten magstu welsch weinber vnd seygen darunter thun zimlich. Du magst der Regalbiren darein hacken / oder lenglecht schnitz machen/ vñnd sie darein legen oder streuen inn die fül/ wie die darein kumen/ so ist es gut. Der aber der grünen kreüter nit nimbt/ vñ die rohe ayer mit gebraten apffeln wol verknit mit würtzen saffran vnd saltz also eingelegt/ das vereint sich gar wol in kühlein oder in krapffen. Oder so man der apffel oder Biren nit hat/ so nim wol geribnen guten kess/ das vereinet sich auch wol mit den ayern / mit einem kleinen steublein melbs vergilbt vnd wol vndereinander knetten/ mit saltz vñ mit würtz ob du wilt das ist ein gut gebachens. Item zu disen obgeschriben gebachen magstunemen dürr hultzel Regel oder Leitßbiren wasser biren oder gut bratbiren/ all schon vnd wol gebraten/ vnd also vnder gemischet.

¶ Das. xxxviij. Capitel.

¶ Item wiltu auch saluey bachten/ morchen oder ander gutte kreüter/ So mach ein strauben teyg/ vnd zeuch sie wol dardurch vnd sach sie wiltu du sie dann füllen/ das hastu wol verstanden/ ein blat vber das der gestürtzt/ vñnd die fül mit gutten würtzen schon abgemacht eytel ayer/ so macht man auch die fül in die ayer/ von weinber vñ agrest im Herbst/ vnd was man fül macht die müssen gewürtzt sein.

¶ Das. xxxviij. Capitel.

¶ Item wiltu morchen mit ayern füllen mach die fül als man öpffel fül mache oder gestürtzt ayer/ vnd ye zwo morchen vber einander gestürtzt/ beyde teyl gefült vñ verkleibt mit einem rohen ey an diten. das es bey einander beleyß/ die stoß an ein spißlein/ brat sie auff einem rost sitlich/ vnd begeuß sie mit milch schmalz vnd wend sie oft vmb.

¶ Das. xxxix. Capitel.

¶ Item der einen kuchen im möser wil machen/ der nem ayer/ würtz weißbrot würflet geschnitten/ das temperier gar wol vndereinander